



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

LXXII. De verbis Psal. I. Beatus vir qui non abiit &c.

urn:nbn:de:hbz:466:1-39254

sus carnem & sanguinem, sed adversus principes & potestates, adversus mundi rectores tenebrarum harum, contra spiritualia nequitia, in cœlestibus. Sub jugo Pharaonis sunt lutea opera, id est, dissoluta & sordida. Ab ipso dantur paleæ, id est leves cogitationes. Palearum est leviter accendi, & in momento consumi. Sic & malæ cogitationes à diabolo immisæ cito in mentibus nostris accenduntur, carnis mollitie consentiente. Sed si viriliter studeamus resistere, Deo juvante protinus extinguuntur. Paleis accensis coquebatur lutum, & solidabatur in lateres: & pravæ cogitationes quæ sunt lutum, paleis delectationis accenduntur. Quæ cum transiunt in actum, tunc decoquuntur: cum vero ducuntur in consuetudinem, tunc solidantur.

SERMO LXXII.

Beatus vir qui non abiit in consilio impiorum ^a. Pii sunt qui in Deum credunt, & ipsum colunt. Est enim pietas cultus Dei ^b. Hic autem cultus in tribus consistit, fide, spe, & charitate quæ sunt invisibilia. His tribus carent impii qui Deum non colunt; & quorum consilium est invisibilia invisibilibus, terrena cœlestibus præponere. Horum caput & princeps est diabolus, qui primus à pietate recessit, & impius factus etiam homines in paradiſo positos, ab eadem pietate fraude sua dejecit, volens eos habere socios sui erroris, & participes iniquitatis. Ille enim Eam seduxit, & illa virum sibi subdidit. Similiter adhuc dæmon suggerit carni, caro spiritui, & sic impiorum consilium. Dicunt enim sibi invicem: *Omnium nostrum sit unum marsupium* ^c. Ponunt ergo in memoria quasi in marsupio quisque obolum suum: dæmon scilicet suggestionem, caro delectationem, spiritus consensum. • Inde tanquam de symbolo comparant sibi victimum competentem. Caro quidem combustionem, ignem scilicet qui non extinguitur: spiritus malam conscientiam, id est, vermem qui non moritur. Dæmon autem emit utriusque sanguinem.

Ad hoc consilium impiorum itur quatuor modis. Quidam enim trahuntur initi, alii attrahuntur ille&t, alii seducuntur ignari, alii sequuntur spontanei. Iстis necessariae sunt quatuor virtutes, per quas armati resistant, ne in consilio eant. Initis necessaria est fortitudo, qua resistant usque ad mortem minis, cruciatibus, & damnis. Illi qui attrahuntur ille&t, indigent temperantia, quæ reprimit illicita desideria, nec cedit promissionibus, nec emollitur blanditiis. Illis qui seducuntur ignari, est opus prudentia, quæ ab utilibus inutilia discernit, & docet quid tenendum, quidve rejiciendum sit. Iustitia indigent illi qui sequuntur spontanei. Iustitia est rectitudo voluntatis, quæ nec amat peccare, nec peccato consentire. Iustitia & fortitudo sedem habent voluntatem; quia voluntas justa debet esse & fortis. Est autem

^a Psal. 1. a
bob. 20. juxta
LXX.

^c Prov. 1. b
Consilium im-
piorum cuius
author & sug-
gestor Dæmon.

Quatuor ad
hoc consilium
vie.
Totidem virtu-
tes in opposita.

Iustitia ordinata quæ.

*Iustitia virtus generalis, cui ceteræ subser-
viantur.*

*d Psal. 1. a
Cathedra pesti-
lentia, id est,
malum exem-
plum subsistit
4. pedibus.*

*Eminas eius
pars potentia.*

*Pulvinar eius
vana gloria.*

*Scabellum hy-
pocrys.*

autem iustitia ordinata hoc modo, scilicet mala respuens, bonis meliora præponens. Hanc non videtur habuisse Adam, qui malo consentiens, quod utile erat deseruix. Prudentia & temperantia sedem habent in ratione, quia ratio prudens debet esse & temperata. Est quippe prudentia, ratio docta, scilicet à gratia, vitare contagia iustitiae propter iustitiam. Vitat quidem non solum iustitiam apertam, sed etiam illa quæ sunt aliquo modo contra iustitiam, attendens non quod licet, sed magis quod expedit: vitans divitias & quædam alia, non quia illicita, sed quia iustitiae solent esse impedimenta. Sed propter quosdam qui ex hypocrisi hoc faciunt, additur, propter iustitiam. Iustitia est perfectio animæ rationalis. Aliæ virtutes sunt ad eis acquisitionem vel conservationem, fortitudo, temperantia, prudenter, quæ iustitiam conservant ne amittatur aut minuatur. Postquam vero perfecta est iustitia, & transit in affectum cordis; idem est quod illa tria, quia fortis est, prudens, temperata.

Qui non abiit. Abire pertinet ad illos qui sunt inconstantes, & leviter possunt impelli. Quod quidam volentes evitare, sunt evidenter obstinati, nullius consilio acquiescentes, propositum suum immobiliter tenentes: & ideo adjunctum est, & non stetit, scilicet, ut nec levis sit, nec obstinatus. Via peccatorum est mundus, vel propria voluntas, quæ est superbia, ex qua omnia mala: sicut ex communi sunt bona. *Et in cathedra pesti-
lentiæ non sedit* ^d. Sedet, qui docet exemplo suo faciens peccare alios. Cathedra est hæc, & quatuor pedibus subsistit. Primus pes est malitia; secundus contemptus Dei; tertius irreverentia; quartus astutia. Malitia est amare malum, & saporem mali habere: & malum, quia malum est diligere, si-
cūt facit diabolus, & nonnulli iniqui. Sed quia fit aliquando ut tales timeant Deum non timore bono, sed ne incurvant, vel damnum rerum, vel corporis cruciatum: ut amplius fiant mali, contemnunt & ipsum Deum, & fit secundus pes *contemptus Dei*. Item posset fieri ut malum amarent, Deum contemnerent, sed inhiberet eos pudor hominum, cum quibus habitant: ideo ad augmentum mali sequitur tertius pes *irreverentia*, ut nec Deum timeant, nec homines revereantur. Ad consummationem vero malitiæ adeat quartus pes *astutia*, ut sciant uti tribus prædictis, miscentes oleo vene-
num, & melli acetum. Eminens pars cathedrae cui sedens inhæret, est *poten-
tia*. Si enim potens est qui prædicta habet, tunc plurimum nocet, vel si po-
tentem sibi allicere potest, quem consilio suo seducat, & ad malum impel-
lat. Deinde apponitur pulvinar, ut suaviter sedeat. Pulvinar fit de levibus
pennis avium, significans vanam gloriam, & favorem popularem, quibus
homines delectati extolluntur. Scabellum pedibus supponitur, ne terram
tangant. Tales enim nonnulli terrenas actiones non faciunt, sed spirituales
simulant, ut magis decipient. Horum doctrina est quasi pestilentia, multa
loca occupans & vastans.

Sed

Sermones de Diversis.

723

Sed in lege Domini voluntas eius. Superiori versu dictum est quid sit respuendum: In hoc autem dicitur quid sit appetendum. In illo dictum est tanquam declina à malo: in hoc autem, & sic bonum: quod utique est ambulare in lege. Sed quoniam hæc via agitur non gressu corporis, sed affectu mentis: ideo dictum est: In lege Domini voluntas eius. Velle enim (teste beato Gregorio) mente ire est. Per hanc viam incedunt, & quasi quendam cursum ducunt tria genera hominum, servus, mercenarius, filius. Trahunt autem eundem currum jumenta, quoram nomina sunt, comminatio & promissio. Super comminationem servus sedet, super promissionem mercenarius. Horum uterque transcurrit, alter timore, alter cupiditate, & uterque propriis stimulis impellitur. Solus filius, qui nec timore quatitur, nec illicitur cupiditate, sed spiritu dilectionis agitur, sine labore aut laesione vehitur in curru f. Quiunque enim spiritu Dei aguntur, f Rom. 8. c. hi filii sunt Dei. Habet etiam currus ille quatuor rotas, illas scilicet quatuor animi affectiones notissimas, amorem & lætitiam, timorem & tristitiam. Amant enim reprobi temporalia, & lætantur cum maleficerint: sed hunc amorem & hanc lætitiam sequitur timor & tristitia sempiterna. Electi vero quibus dicitur g: Mundus gaudebit, vos autem contristabitini, sed tristitia g Ioan. 16. d refra verietur in gaudium: ponunt primas rotas timorem & tristitiam, posteriores amorem & lætitiam. Ipsi enim commutatur timor in charitatem, tristitia in lætitiam sempiternam.

Notandum autem, quod hæc via legis Domini consummatur sex diebus. Et prima quidem diaeta est gemitus cordis: secunda confessio oris, tercia largitio propriæ possessionis, quarta labor corporis, quinta abnegatio propriæ voluntatis, sexta contemptus mortis. In septima fit quies ab omnibus prædictis, sperans octavam resurrectionis. Et in lege eius meditabitur die ac nocte. In quoconque statu sit homo positus, nunquam recendum est illi à lege Domini, sed semper in die honorum non immemor sit malorum, & in die malorum memor sit semper bonorum. Potest etiam per diem & noctem contemplativa & activa vita intelligi, quæ ambæ continentur in lege Domini.

S E R M O LXXIII.

De insipientia hominum non timentium, nec diligenter Deum.

Dixit insipiens in corde suo, non est Deus a. Deus licet unus sit & unum sit, tamen non sui varietate, sed animi nostri mutatione gustantibus nobis diversos videtur habere sapores. Sapit enim timenti justitiam & potentiam; sapit amanti bonitatem & misericordiam. Unde & alibi ait idem, iste Propheta b: Semel locutus est Deus, duo hæc audiri: quia potestas Dei est, & tibi Domine misericordia. Idem quippe est audire hoc quod gustare: quia

Serm̄nes S. Bernardi.

Y y y

utrumque

* a Psal. 52. a

Deus pro affe-
ctuum varietate
nobis sapit
diversimode.

Ibidem.

Tria hominum
genera per
viam legis Do-
mini incedunt.